



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

Die Ascensionis.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

mea, verba mea, opera mea, *laudate Dominum* : dicite, & facite ea, quæ sint in laudem Dei. Sancte JESU, fac sanctos omnes sensus meos : da illis *felix Pascha*, *felix phase*, *felicem transitum* à moribus tepidis, dissolutis ad sanctos, ab amore temporalium ad studium æternorum, ab hac vita ad vitam æternam, & Urbem illam, *per* cujus *vicos alleluja cantabitur* ; ut ibi, cum Apocalypticis tuis cantoribus, cum voce turbarum multarum, seniorum, throni, aquarum, tonitruorum magnorum, cantem tibi : *Alleluja! Salus, & gloria, & virtus Deo nostro: gaudeamus, & exultemus, & demus gloriam Tibi!*

D I E A S C E N S I O N I S .

Adoro te, victorioso triumphator JESU, ascendentem in jubilatione, in voce tubæ. O qui ascendens in altum, captivam duxisti captivitatem! gratulor tuæ magnificentiæ, super cælos elevatae! Fac me magnificum in sanctitate: ne derelinquas me orphanum : da mihi dulcissimam Virginem Matrem tuam, qui dona dedisti hominibus. Omnis pulchritudo tua elevata

20 DIES, & FESTA

levata est super sidera : da , ut omnis amor meus habitet ibi tecum, in amore veræ pulchritudinis occupatus ; ut me benè parem ad vocem tubæ novissimæ. Tu scis, quid me captivum teneat, ne liber amem te: illam meam captivitatem captivam ducas in triumpho tuo. O JESU, qui es plus quàm Elias, curru igneo hinc abreptus : fiat super me spiritus tuus duplex ; timoris, quo timeam Deum tuum, & Deum nostrum ; amoris quo amplectar Patrem tuum, & Patrem nostrum, ad quem ascendis. Ideò flecto genua mea supplex, & per admirabilem ascensionem tuam rogo te, ut benedicas mihi in benedictionibus dulcedinis, quæ mihi amara reddat ea, quæ corrupto mundi palato sunt dulcia, & dulcia faciat, quæ illi amara sunt. Benedic mihi, & traheme post te ; ita ut sequar te usque ad cælum, quò tu tuis viribus ascendisti, & ego ascendere viribus meis non possum, sed tuis possum. Educ me in altum ; ut mihi quotidie ascensiones in corde disponenti, & altiùs ascendenti, hæc infima, minora semper, & minora videantur ; & sicut Ignatio tuo, ita mihi, sordeat terra, cum cælum aspicio,

aspicio, aspiciensque corde ascen-
do.

DOMINICA PENTECOSTES.

Veni, amor DEUS, veni Numen,
& lumen: mitte ignem tuum in os-
sibus meis, & erudi me: da linguas
igneas, & doce me tacere, ac loqui:
lava, riga, sana, flecte, fove, rege
sordidum, aridum, faucium, rigi-
dum, frigidum, devium: cor meum:
fac, ut verè amet. Displicet mihi,
quicquid mali fit contra te! placet
mihi, quicquid fit boni! atque uti-
nam prohibere possem mala omnia;
& bona, quæ fiunt, augere omnia,
ac omnium cordibus amare te; sin-
gulisque momentis vitæ meæ tan-
tum facere boni, quantum factum
est ab ullo unquam! ut quemad-
modum tibi displicet is, qui aliena
peccata facit sua; ita tibi placeam
ego, cum arte amoris tui, aliena
bona opera omnia facio mea, gra-
tulando de illis tibi, & optando
illa omnia facere infinitè. Gaudeo
fieri ab aliis ea bona, quæ à me fieri
non possunt; vel quæ per ignaviam
omisi, cum possem. Utinam mea,
& omnia omnium peccata possem
in pretiosissimos, tibi que gratif-
simos,